

Turronaju

de Antoni Maria Pinna

Ses che rundine, chircas s'istajone
ricca de sole pro poder bolare
in aéras biaittas pro dare
caldu a su nidu e pane a su puzone!

Che issa, sa matessi passione
ti ligat, ca ti jughet a migrare
in sas biddas anzenas pro mustrare
s'arte antiga de fagher su turrone.

Lu faghes assazare a pitzinneddas
e a betzos cumpridos pili-canos
pro ti nde comporare calchi fitta.

Cun saccos de nutzola e campaneddas
giras sas festas, cando in sos beranos
ti tuccas da Tonara beneitta

cun fide in coro e cun s'arte in manos!

Putumajore Maju 1997